



Broj: UP1-10/1-38-009032-2-1/17

Tuzla, 03.05.2017. godine

Na osnovu člana 26. Zakona o visokom obrazovanju („Službene novine Tuzlanskog kantona“, broj: 7/16, 10/16 i 5/17), čl. 2. i 7. Pravilnika o kriterijima o postupku licenciranja visokoškolske ustanove („Službene novine Tuzlanskog kantona“, broj 7/14), člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“, broj: 7/14, 10/15 i 14/15), i Rješenja o ispunjavanju uslova za izvođenje studijskog programa integrisanog prvog i drugog ciklusa studija *Medicina*, kao i studijskog programa trećeg ciklusa studija *Biomedicina i zdravstvo*, UP1-10/1-38-009032-2/1 od 03.05.2017. godine, Ministarstvo obrazovanja, nauke, kulture i sporta Tuzlanskog kantona izdaje:

LICENCU ZA IZVOĐENJE STUDIJSKIH PROGRAMA

1. Visokoškolskoj ustanovi Evropski univerzitet „Kallos“ Tuzla dozvoljava se pružanje usluga visokog obrazovanja na Medicinskom fakultetu.
2. Evropski univerzitet „Kallos“ Tuzla je visokoškolska ustanova koja se bavi nastavnim, naučnim i istraživačkim radom, i koja je ovlaštena da dodjeljuje akademska zvanja na integrisanom prvom i drugom kao i trećem ciklusu studija na Medicinskom fakultetu.
3. Evropski univerzitet „Kallos“ Tuzla ovlašten je da izvodi sljedeće studijske programe na Medicinskom fakultetu, i to:
 - Studijski program *Medicina* na prvom i drugom integrisanom ciklusu studija u trajanju od 6 godina.
 - Studijski program *Biomedicina i zdravstvo* na trećem ciklusu u trajanju od 3 godine.
4. Evropski univerzitet „Kallos“ Tuzla ovlašten je da dodjeljuje sljedeća akademska zvanja na Medicinskom fakultetu, i to:
 - Na prvom i drugom integrisanom ciklusu studija dodjeljuje se diploma o završenom integrisanom studiju *Medicine* i zvanje doktor medicine, a vrednuje se sa najmanje 360 ECTS bodova.
 - Na trećem ciklusu studija dodjeljuje se diploma o završenom doktorskom studiju *Biomedicine i zdravstva* i zvanje doktora medicinskih nauka, a vrednuje se sa 180 ECTS bodova.
5. Evropskom univerzitetu „Kallos“ Tuzla dozvoljava se upis studenata na svim ciklusima svih godina studija studijskih programa na Medicinskom fakultetu navedenih u tački 3. počevši od akademske 2017/18. godine.

DOSTAVLJENO:

1 x Evropski Univerzitet „Kallos“ Tuzla,
ulica Maršala Tita br. 2A i 2B Tuzla
1 x Evidencija
1 x Arhiva

MINISTAR

Mr. sc. Zlatan Muratović



Broj: UP1-10/1-38-009032-2/17

Tuzla, 03.05.2017. godine

Na osnovu člana 26. Zakona o visokom obrazovanju („Službene novine Tuzlanskog kantona“, broj: 7/16, 10/16 i 5/17), člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“, broj: 7/14, 10/15 i 14/15), postupajući po zahtjevu Evropskog Univerziteta „Kallos“ Tuzla, broj: 226-4/2017 od 08.03.2017. godine, sa sjedištem u Tuzli, ulica Maršala Tita br. 2A i 2B., 75000 Tuzla, Ministarstvo obrazovanja, nauke, kulture i sporta Tuzlanskog kantona donosi

RJEŠENJE

1. Utvrđuje se da Medicinski fakultet Evropskog univerziteta „Kallos“ Tuzla sa sjedištem u Tuzli, ulica Maršala Tita br. 2A i 2B., 75000 Tuzla, ispunjava uslove za izvođenje intergrisanog studijskog programa prvog i drugog ciklusa studija (I i II) „Medicina“ i studijskog programa trećeg ciklusa studija (III) „Biomedicina i zdravstvo“ od akademske 2017/2018 godine, a koji se odnose na:

- a) *kvalitet akademskog sadržaja*
- b) *relevantnost ishoda učenja za tržište rada*
- c) *kapacitet visokoškolske ustanove da u skladu sa Standardima i normativima visokog obrazovanja provede studijske programe,*
- d) *usklađenost strukture studijskih programa sa bolonjskim principima,*
- e) *usklađenost ishoda učenja sa savremenim zahtjevima u naučnoj oblasti, međunarodnim iskustvima i zahtjevima tržišta rada,*
- f) *podudarnost u većem dijelu sa studijskim programima iz najmanje tri licencirane akreditovane visokoškolske ustanove iz zemalja potpisnica Bolonjske deklaracije.*

2. Medicinski fakultet Evropskog univerziteta „Kallos“ je obezbjedio izbor u nastavnička zvanja i to 36 članova nastavnog osoblja koji će izvoditi nastavu. Izbor nastavnog osoblja je izvršen prema nastavnim predmetima. Potrebno neakademsko osoblje je angažovano u skladu sa normativima na osnovu ugovora o radu. Pored navedenog Evropski Univerzitet „Kallos“ Tuzla je zaključio ugovore sa brojnim drugim zdravstvenim ustanovama koje je Komisija pregledala i to: Dom zdravlja „Mustafa Šehović“ Tuzla, JZU „Zdravstveni centar Brčko“, Poliklinika „Mediscan“ Tuzla, kao i brojne druge ustanove i poliklinike.

3. Evropski univerzitet „Kallos“ Tuzla raspolaže ukupnim prostornim kapacitetima sa preko 16250 m² uključujući: veliki amfiteatar sa 500 mjesta, jedan manji amfiteatar sa 350 mjesta, 28 učionica, laboratorija za hemiju, laboratorija za anatomiju, kabinet za fiziku, prostor za nastavno osoblje, biblioteki i čitaonički prostor, prostor za rad organa i tijela visokoškolske ustanove, prostorije studentskog predstavničkog tijela, prostorije za administrativno, stručno i tehničko osoblje, i ostali zajednički višenamjenski prostor: sala za sastanke, prijem posjetilaca i podzemna garaža. Sjedište Evropskog univerziteta „Kallos“ Tuzla je u ulici Maršala Tita br. 2A i 2B., 75000 Tuzla.

4. Po Izvještaju Komisije za licenciranje laboratorije su opremljene sa neophodnom medicinskom opremom (22 binokularna mikroskopa, 1 trinokularni mikroskop, USB digitalna kamera sa 10 mp mikroskopom, UV – VIS spektrofotometar s monitorom i dodatnom opremom, komora za horizontalnu elektroforezu, vodeno kupatilo Memert, digitalna mikrocentrifuga, laboratorijski inkubatori – termostati, automatska bireta, birete po Mor-u sa postraničnim pipcem, epruvete sa brušenim staklenim čepom, tamne boce, menzure, epruvete, Erlenmayer tikvice, odmjerne tikvice,

laboratorijske čase, lijevak za odvajanje, stakleni lijevak obični, posuda za vaganje, štapići za miješanje i niz druge neophodne medicinske opreme). Pored navedenog Kabinet anatomije i Kabinet fizike su opremljeni sa neophodnom pratećom opremom za rad.

5. Evropski Univerzitet „Kallos“ Tuzla je obezbijedio biblioteku koja vrstom i obimom bibliotečkog fonda pruža neophodnu podršku nastavnom procesu, naučno-istraživačkom radu iz oblasti iz kojih se izvode navedeni studijski programi. Bibliotečki fond se sastoji od obavezne udžbeničke i priručničke literature, odgovarajućeg bibliotečkog fonda opšteg sadržaja, stručnih i naučnih serijskih publikacija (časopisi, zbornici radova sa konferencija), publikacija u elektronskom obliku i drugo. Evropski Univerzitet „Kallos“ Tuzla je zaključio ugovor o poslovnoj saradnji sa JU Narodna i univerzitetska biblioteka „Derviš Sušić“ Tuzla. Biblioteka Evropskog Univerziteta „Kallos“ osigurava svojim korisnicima kontinuiran pristup internetu, kao i ispunjenost kvantitativnih i kvalitativnih kriterija koji se odnose na bibliotečke resurse.

6. U skladu sa prostornim, kadrovskim, organizacionim i materijalno-tehničkim uslovima, te ostalom neophodnom opremom navedenom u Izvještaju Komisije za licenciranje, kao i konačnom ocjenom Komisije o ishodu licenciranja studijskog programa integrisanog prvog i drugog ciklusa studija *Medicina* i studijskog programa trećeg ciklusa studija *Biomedicina i zdravstvo*, Medicinski fakultet Evropskog univerziteta „Kallos“ Tuzla ispunjava sve propisane uslove za upis studenata na sve godine studija svih ciklusa.

7. Po isteku akademske 2018/2019. godine Ministarstvo će izvršiti nadzor nad radom Medicinskog fakulteta Evropskog Univerziteta „Kallos“ Tuzla u djelu koji se odnosi na realizaciju studijskog programa *integrisanog prvog i drugog ciklusa studija Medicina i studijskog programa trećeg ciklusa studija Biomedicina i zdravstvo*.

Obrazloženje

Rješenjem Ministarstva obrazovanja, nauke, kulture i sporta TK broj 10/1-38-015145/15 od 17.06.2015. godine, utvrđeno je da su ispunjeni uslovi za osnivanje i početak rada visokoškolske ustanove Evropski univerzitet „Kallos“ u Tuzli, koja je upisana u sudski registar kod Opštinskog suda u Tuzli, rješenjem broj 032-0-Reg-15-000985 od 26.06.2015. godine. Na osnovu pozitivnih konačnih ocjena komisija za provođenje licenciranja studijskih programa prvog, drugog i trećeg ciklusa studija, Ministarstvo je dana 28.08.2015. godine izdalo licencu – dozvolu za rad Evropskom univerzitetu „Kallos“ Tuzla, aktom broj 10/1-38-019166-13/15.

Evropski univerzitet „Kallos“ Tuzla dana 21.12.2016. godine Ministarstva obrazovanja, nauke, kulture i sporta podnio je Vladi Tuzlanskog kantona zahtjev broj 1130-4/2016 od 20.12.2016. godine za donošenje odluke o davanju saglasnosti za osnivanje Medicinskog fakulteta Evropskog univerziteta „Kallos“ Tuzla. U prilogu tog zahtjeva, dostavljen je Elaborat o opravdanosti osnivanja Medicinskog fakulteta Evropskog univerziteta „Kallos“ Tuzla. Vlada Tuzlanskog kantona donijela je Odluku broj: 02/1-38-31129-1/16 od 27.01.2017. godine o davanju saglasnosti na Elaborat o opravdanosti osnivanja Medicinskog fakulteta Evropskog univerziteta „Kallos“ Tuzla. Upravni odbor Evropskog univerziteta donio je Odluku broj 78-3/2017 od 11.02.2017. godine o osnivanju Medicinskog fakulteta, kojom se utvrđuje, pored ostalog, da će se na Medicinskom fakultetu realizovati studijski programi *Medicina* na prvom i drugom integrisanom ciklusu studija, i *Biomedicina i zdravstvo* na trećem ciklusu studija, nakon sprovedenog postupka licenciranja studijskih programa u skladu sa zakonskim i podzakonskim aktima.

Ministarstvo je, na zahtjev Evropskog univerziteta „Kallos“ Tuzla, aktom broj 10/1-38-009032-1/17 od 30.03.2017. godine donijelo rješenje o imenovanju Komisije za provođenje postupka licenciranja studijskog programa integrisanog prvog i drugog ciklusa studija *Medicina*, kao i studijskog programa trećeg ciklusa studija *Biomedicina i zdravstvo* na Medicinskom fakultetu Evropskog univerziteta „Kallos“ Tuzla. Komisija je predala izvještaj sa konačnom pozitivnom ocjenom o ishodu licenciranja razmatranih studijskih programa, kao i zapisnik o održanom sastanku dana 26.04.2017. godine. Na osnovu utvrđenih činjenica, Komisija je jednoglasno dala pozitivnu konačnu ocjenu o ishodu licenciranja oba studijska programa navedena u dispozitivu rješenja i

predložila ovom Ministarstvu da, u smislu člana 11. stav (1) Pravilnika o postpuku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona, donese rješenje kojim se odobrava Evropskom univerzitetu Kallos Tuzla upis na sve godine svih ciklusa studija na sljedećim studijskim programima na Medicinskom fakultetu, i to: I i II integrisani ciklus – Medicina u trajanju od 6 godina i sa 360 ECTS bodova, i III ciklus – Biomedicina i zdravstvo u trajanju od 3 godine i sa 180 ECTS bodova.

S obzirom da su ispunjeni svi uslovi za izdavanje licence – dozvole za rad Medicinskom fakultetu Evropskog univerziteta „Kallos“ Tuzla za studijski program intergisanog prvog i drugog ciklusa studija Medicina i studijski program trećeg ciklusa studija Biomedicina i zdravstvo, odlučeno je kao u dispozitivu.

Administrativna taksa je naplaćena u skladu sa Zakonom o kantonalnim administrativnim taksama i tarifi kantonalnih administrativnih taksi („Službene novine Tuzlanskog kantona“, broj: 6/12 – prečišćeni tekst).

Pouka o pravnom lijeku: Ovo rješenje je konačno u upravnom postupku, a protiv istog se može pokrenuti upravni spor pred nadležnim sudom u Tuzli u roku od 30 dana od dana dostavljanja. Tužba se u dva primjerka predaje sudu neposredno ili putem pošte.

DOSTAVLJENO

1 x Medicinski fakultet Evropskog Univerziteta

„Kallos“ Tuzla,

ulica Maršala Tita br. 2A i 2B, Tuzla

1 x Evidencija

1 x Arhiva

